

mina damnauit, sic femina saluauit.

Secunda ratio est ex dignitate honoris, quia ille annunciabatur, qui est rex & angelorum & hominum omnium, & quia annunciabatur ei, scilicet uirgini, qua erat mundissima, ac hominum, atque angelorum regina mox futura, & quia annunciabatur summam Dei maiestate ad eiusdem honorem, ideo debuit fieri annunciatio hæc per angelum, & non per aliquem prophetam Dei, aut sanctum hominem, propter maiorem honorem summi, scilicet regis Christi. quoniam sicut angelus maior est homine, ita honorabilior est, ut angelus ministrat Christo quam solus homo, & etiam propter maiorem honorem reginæ angelorum, ac eius iudiciæ uirginalis: Vnde Hieron. in sermone assumptionis dicit: Bene angelus ad uirginem mitritur, quia semper angelus cognata est uirginitas. Et denique etiam propter maiorem honorem maiestatis diuinæ, cui angeli subministrant, hominibus præsidere.

Tertia ratio additur ex charitate latioris amoris, quia diuina incarnatio fiebat ex Dei charitate nõ solum ad hominis liberationem, uel reparationem, sed etiam ad angelicæ ruinæ restorationem. Ideo decuit quod tam homo, scilicet uirgo beata quam etiam angelus in hoc mysterio coarxerent, ut sic latior charitas, scilicet exhibitã uirtute appareret in factio annunciationis: Patet ergo quòd charitas fecit angelum mitti: Vnde nec decuit uirum mitti, uel mediante Ioseph nunciari, quia Maria non fuit sub potestate uiri, nec ex uiro concepit.

Ad quid facta sit diuina incarnatio.

S.4

SE D quaestio est ex præmissis: Quomodo beata uirgo Maria dicitur illustrata, uel docta ab angelo de diuinæ incarnationis mysterio, cũ ipsa esset superior angelus, utpote Deo amabilior, & plena fide credebat, secundum prophetias, Christi incarnationem sciendã ex uirgine, iuxta illud Esa. 7. Ecce uirgo concipiet, & pariet filium &c. ergo nõ decuit, nec indiguit ab angelo doceri? Respondetur secundum Guil. & Thom. ac alios supra, quod licet beata uirgo quantum ad diuinam præuisionem, & quo ad dignitatem ad quam eligebatur esset superior angelus, tamen quantum ad statum erat inferior

Thom.

pro tunc, quia erat in statu uiatorum, angeli autem in statu comprehensorum: Denique nec intelligendum est sic, quòd ipsa beata uirgo ab angelo docebatur de hoc, quòd diuina incarnatio fieri deberet, cum hoc ex prophetiis bene sciret, & iam plene crederet sciendam: Sed intelligendum est, quòd ab angelo docebatur uidelicet de hoc, quòd in ea completeretur hæc propheta: Dum enim actu legeret, ut dicitur illud Esa. Ecce uirgo concipiet, & pariet filium, cum esset uirgo præ alijs humillima, ex humilitate ergo se ipsam, omnino indignã iudicabat esse filij Dei matrem eligendam, nesciebat ergo pro tunc adhuc quòd ipsa foret illa uirgo, de qua propheta locuti sunt, sed ex deuotione optabat, & orabat ut saltem mereretur uideri illam uirginem, & ancillam fieri illius, qua dominum conciperet & pareret: Vnde angelus apparens docuit eam efficiendam fore mox illam uirginem matrem Christi, & angelorum, a hominum reginam: Vnde nec in hoc fidei meritum in ipsa uirgine est euacuatum, qua iam credebat futurum, sed certitudo de se ipsa habita est angelo edocet, de qua, sicut indigebat: Mira ergo Dei sapientia, & charitas.

Quod Dei charitas claret mitrendo non alium angelum, quam Gabrielem ad annunciandum.

VNDE congruebat non nisi Gabrielem mitti ad annunciandum Christi conceptum, cum quilibet angelus æque potuit Deo uolente hoc annunciasse beatæ uirgini? Respondetur secundum Alber. mag. super Missus est. ca. 17. Et Thom. ac ac alios super e. dist. 3. lib. 3. quod oebuit sic: Primo ratione diuinæ uirtutis, quia secundum Gregorium, & Hieronymum uno modo interpretatur sic: Gabriel, idest uirtus nostra Deus: Vt ergo congruentius pateret, quod diuina uirtute coarxerit uirgo, debuit Gabriel mitti. Secundo ratione miræ fortitudinis, nam alio modo Gabriel interpretatur fortitudo Dei. Vt ergo ostenderetur quia in incarnatione ueniebat fortissimus, ac potentissimus, scilicet Christus Deus contra fortissimum, idest diabolum ad debellandum, & contendum, & etiam opere talli

S.5 Quare missus sit Gabriel, & non

Gregor. Hiero.